



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

OSHP: 2023/0263

Paneli Shqyrtues, i emëruar nga Kryetarja e Organit Shqyrtues të Prokurimit (OSHP), në bazë të nenit 105, 106, dhe 117 të Ligjit për Prokurim Publik të Republikës së Kosovës (LPP) në përbërje nga Vedat Poterqoi - Kryetar duke vendosur sipas ankesës së Operatorit Ekonomik (OE) N.N.SH. " Vizion Project ", kundër Vendimin për dhënie të një kontratë ose të një konkursi të projektimit të KUVENDI KOMUNAL LIPIJAN në cilësinë e Autoritetit Kontraktues (AK) lidhur me aktivitetin e prokurimit Konkurs projektimi per zgjidhjen e projektit Ideor per hartimin e projektit zbatuese per Objektin e Qendres Kulturore ne Lipjan. me numër të prokurimit 613-23-536-2-2-3, me 22/06/2023, mori:

Vendim

1. **Aprovohet**, si bazuar ankesa e OE N.N.SH. " Vizion Project " me nr. 2023/0263 , e datës 08/05/2023, kurse vendimi i AK KUVENDI KOMUNAL LIPIJAN lidhur me aktivitetin e prokurimit Konkurs projektimi per zgjidhjen e projektit Ideor per hartimin e projektit zbatuese per Objektin e Qendres Kulturore ne Lipjan. me numër të prokurimit 613-23-536-2-2-3 anulohet, ndërkaq aktiviteti i prokurimit kthehet në **Rivlerësim.**

2. Në afat prej 10 ditësh, AK duhet ta informojë OSHP për të gjitha veprimet e ndërmarra lidhur me këtë aktivitet të prokurimit, në të kundërtën, OSHP ka të drejtë të ndërmarrë masa ndaj AK për mos respektim të vendimit sikurse parashihet me dispozitat e nenit 131 të LPP.

3. Kthehen mjetet e deponuara në emër të taksës tarifore për parashtrimin e ankesës në llogarinë e Operatorit Ekonomik N.N.SH. " Vizion Project "

Arsyetim

- Faktet dhe rrethanat procedurale –

Me 06.02.2023, Komuna e Lipjan, në cilësinë e Autoritetit Kontraktues ka publikuar njoftimin për kontratë për aktivitetin e prokurimit me titull: “Konkurs projektimi për zgjidhjen e projektit Ideor për hartimin e projektit zbatues për Objektin e Qendrës Kulturore Lipjan” me nr. të prokurimit: "613-23-536-2-2-3". Nderkaq me datën 28.04.2023 eshte publikuar njoftimi mbi vendimin e AK.

OE "N.N.SH. Vizion Project" shpk me datën 26. 04. 2023 ka parashtruar kërkesë për rishqyrtim në AK. Me datën 28. 04. 2023, AK- KK Lipjan me vendim ka refuzuar kërkesën për rishqyrtim të OE ankues.

I pakënaqur me vendimin e AK-së, OE ankues "N.N.SH. Vizion Project", me datën 08.05.2023 ka parashtruar ankesë në OSHP, me numër të protokollit 263/23, kundër vendimit të Autoritetit Kontraktues lidhur me aktivitetin e prokurimit të përshkruar si më sipër.

Autoriteti kontraktues ka zbatuar procedure te hapur, lloji i kontratës: shërbim, vlera e parashikuar e kontratës: 45.000€.

Ankesa e OE është ushtruar në pajtim me nenin 109.1, të LPP, sipas të cilit kundër çdo vendimi të marrë nga AK çdo palë e interesuar mund të parashtrojë ankesë pranë OSHP. Meqë OE ka ushtruar po ashtu kërkesë për rishqyrtim, do të thotë se veprimet e të njëjtit i referohen po ashtu dhe nenit 108/A të Ligjit të cituar. Prandaj OSHP konsideron se Ankesa i plotëson kushtet e parapara në kuptim të dispozitave tani më të cituara dhe e njëjta bie nën kompetencat e tij në kuptim të nenit 105, të LPP.

- Vlerësimi dhe administrimi i provave –

Bazuar në veprimet e përshkruara si më sipër, OSHP ka angazhuar ekspertin vlerësues në pajtim me nenin 111, paragrafi 5 të LPP, me detyrë që i njëjti në kuptim të nenit 113 të Ligjit të cituar, ta bëjë shqyrtimin fillestar të dosjes dhe pretendimeve ankimore, përkitazi me aktivitetin e prokurimit të përshkruar si më sipër. Lidhur me këtë, me 19.05.2023 eksperti shqyrtues ka dorëzuar Raportin e vlerësimit me rekomandimet si në vijim:

- ankesa e operatorit ekonomik ankues të aprovohet si e bazuar
- të anulohet njoftimi mbi vendimin e AK-së dhe lënda të kthehet në rivlerësim.

Paneli konsideron se Raporti i ekspertizës i përmban elementet qenësore sikurse kërkohet me nenin 113, paragrafi 3 të LPP dhe i njëjti është pranuar nga të gjitha palët, sikurse parashihet në kuptim të nenit 115 të LPP lidhur me nenin 20 të Rregullores së cituar. Njëherësh konstatohet se AK ka deklaruar se "Me rekomandimin e ekspertit nuk pajtohem për arsyeje se, konkurset e projektimit janë me kopje fizike , dhe jo në sistem E-prokurimi, dhe si i tillë pas paraqitjes së ankesës nga ana e OE ankues, nuk kemi pasur kërkesë nga eksperti për pranimin e projekteve fizike për analize të projektit në fjalë, eksperti ka nxjerre rekomandim vetëm mbi bazën e ankesës së OE ankues, duke mos e marrë parasysh vlerësimin e komisionit të AK, i cili është bazuar në dokumentacionin e dorëzuar nga tenderuesit. Për këtë deklaram PSH vendosi që të bëhet edhe një super ekspertizë nga një ekspertë teknik i jashtëm, i cili më dt. 19.06.2022, ka dorëzuar raportin e vlerësimit me rekomandimet e tij si në vijim:

- që ankesa e OE ankues të aprovohet si pjesërisht e bazuar, të anulohet njoftimi mbi vendimin e AK-së dhe rekomandon që lëndat të kthehet në rivlerësim.

- Administrimi dhe vlerësimi i provave -

Paneli konstatoi senuk ekzistojnë elementet për parandalim të konfliktit të interesit, siç kërkohet në kuptim të nenit 11 të Rregullores për Punën e OSHP, prandaj analizoi të gjitha shkresat e kësaj lënde, përfshirë të gjitha aktet dhe veprimet e palëve dhe konsideroi se nuk ka nevojë të konvokohet seanca publike me palë sepse ka prova të mjaftueshme për të vendosur sipas paragrafit 1, të nenit 24 të Rregullores së cituar. Paneli në këtë rast mori në konsideratë të gjitha pohimet ankimore, aktet dhe veprimet e AK dhe dy raportet e ekspertëve shqyrtues të cilat u janë dorëzuar palëve dhe konsideron se janë jo kontestuese faktet se AK nuk ka vepruar konform dispozitave ligjore, neni 59 dhe 60 të LPP. Andaj, Paneli shqyrtues i mbështet të gjitha përgjigjet në pretendimet ankimore në super ekspertizë dhe ato do të llogariten si përgjigje të panelit shqyrtues të cilat obligojnë AK që ti ndërmarrë të gjitha veprimet konform dispozitave ligjore dhe kërkesave të DT/NJK.

- Përfundim -

Nisur nga shpjegimet si më sipër Paneli konsideron se AK nuk ka vepruar në harmoni me dispozitat e cituara si më sipër të LPP dhe nuk ka zbatuar drejtë dosjen e tenderit sikurse parashihet me paragrafin 1, të nenit 27, sipas të cilit, autoriteti kontraktues përpilon dosjen e tenderit me të gjitha informatat përkatëse përfshirë të gjitha termet dhe kushtet materiale të saj, procedurat e zbatueshme të prokurimit, çfarëdo kërkesë të aplikueshme të përshtatshmërisë ose ndonjë kriter të përzgjedhjes, procedurat e ankesës si dhe informatat e tjera përkatëse siç kërkohen nga ky ligj ose siç i sheh të domosdoshme autoriteti kontraktues. Në kuptim të kësaj dispozite, dosja e tenderit përbën dokumentin kryesor të prokurimit dhe se publikimi i sajë supozohet të jetë në harmoni të plotë me qëllimet e LPP, të siguroj mënyrën efikase të shfrytëzimit të fondeve publike, të promovoj integritetin e vet procesit të prokurimit dhe të kulturës institucionale dhe të profesionalizuar.

Ndonëse mendimi i ekspertit nuk është detyrues, Paneli sipas mendimit të pavarur të tij e ka mbështetur raportin e ekspertit në rastin konkret, nisur nga parimi se vlera provuese e tij jepet gjithnjë me raport me vlerësimin, krahasimin dhe administrimin e të gjitha provave tjera dhe natyrën e një çështje në rastin konkret.

Paneli shqyrtues konsideron se vendimi i marrur në këtë çështje është i bazuar në administrimin e të gjitha provave, në dispozicion të kësaj lënde dhe se në marrjen e vendimeve gjithmonë ka parasysh nenin 1 të LPP-së, ku qëllimi i këtij ligji është të siguroj mënyrën më efikase, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese. Paneli Shqyrtues niset gjithnjë nga fakti se autoritetet kontraktuese ushtrojnë pavarësinë e tyre institucionale në procesin e prokurimit publik, mirëpo mbetet në detyrimin e tyre eksplicit respektimi i ligjshmërisë në procesin e prokurimit.

Paneli shqyrtues konform nenit 117 të LPP-së, si dhe duke u bazuar në provat e prezantuara si më lart vendosi si në dispozitiv të këtij vendimi.



Kryetar i Panelit Shqyrtues
Vedat Poterqoi

Këshillë juridike:

Kundër këtij vendimi nuk është e lejuar ankesa, por pala e pakënaqur me kërkesëpadi ka të drejtë t'i drejtohet Gjykatës Komerciale në Prishtinë, në afat prej 30 ditësh nga data e pranimi të këtij vendimi.

Vendimi t'i dorëzohet:

- **AK - KUVENDI KOMUNAL LIPIJAN**
- **OE - N.N.SH. " Vizion Project "**
- Arkivës së OSHP-së: